

Шарма гор

Кузь нэм да бур шуд!

Эжва йывса войтырлөн газет



Пето 1929 восянь

Четверг, 2013 вося июнь 6 лун 67 (10654)-өд №

Айлов юö - керка джын сотчö, нывбаба юö - ставнас сотчö (коми шусьöг)

Эжва йывлөн слава Агния Ильинична Попова



Чужис 1923 вося декабр 20 лунö Мысын. Уна во пöрдчис да увйысис Помоздинскöй леспромхозлөн Пожöг лесопунктын, тшöгöдiс скöтöс колхозын да «Усть-Немскöй» совхозлөн Мыс отделениен.

Верöсыскöд быдтiс да велöдiс квайт челядьöс.

Война кадö уджалöмысь сетiсны Великöй Отчественнöй войнаса ветеранлысь ним, уна вося бур уджысь - «Уджывса ветеран» да юбилейнöй медальяс, уна челядь чужтöмысь - «Материнство» медаль.

Олö Мысын.

Тöдöй, мый выльыс

МУ ЮКÖНЪЯС ТОМ СЕМЬЯСЛЫ

«Носим» овмöдчöминса администрация вичмöдiс сизим мортлы керка кыпöдöм вылö Носим нöрыс йылысь му юкöнъяс.

2008 воын öти семья кыпöдiс нин сэтчö керка. Му босьтысьяс - том семьяяс.

ТАВО ТУРУН, КАРТУПЕЛЬ ЛОКТАН ВОЫН

Носимын «Шондi» крестьянин овмöс кутысь А.М.Бабаханов лöсьöдö картопель улö 10 гектар му.

Гöрис кольöм воын арнас и таво тулыснас. Петкöдiс куйöд, вынсьöдiс сьöд муöн. Му небзьöдöм бöрын картопель пуктас локтан воын. Таво кöдзас 20 гектар турун.

Талун овмöсын мöсьяс, ыжъяс, кöзаяс, порсьяс, ставыс 80 юр. Кольöм воын нин кыпöдiс 100 юр вылö порсь гид. Таво вайöдiс вевт улöдз 300 юр вылö мöс видзанiн.

ПЕЛЬКÖДЧИСНЫ СТАВÖН ÖТУВ

Зимстанса олысьяс öтүв пелькöдiсны посёлк.

Отсасис тшöтш «Комистроймост» котыр: вичмöдiс бульдозер, экскаватор, мукöд техника. Идралiсны вöр дорысь уна вося шыбласъяс, посёлкысь петкöдiсны 12 «Урал» машина тыр лöп-өг. Водзö уличьяс кутасны мичмöдны велöдчысьяслөн уджалан котыръяс, кöни лоас матö 70 морт. Налы вештысьöм могысь торйöдiсны 100 сюрс шайт, та мында жö районса бюджетясь. Сёрнитчисны том йöзлөн котыркöд, мый найö отсаласны олöма йöзлы идравны пес, дзоньтавны потшöс, а сiдзжö пелькöдны вичкo дор, дзоньтавны öзйылымъясысь ва видзанiн.

ВОССИС ШОЙЧЧАН ЛАГЕР

Семьялы да челядьлы отсöг сетан шöрин бердын воссис челядьлөн «Бур эскысьяс» лунся шойччан лагер, кытчö вольвлö 16 морт.

Зонпосни адзысьласны районса пыдди пуктана йöзкöд, тöдмасысны районлөн нималанаторъясöн, «ветласны» мойдкывса дiяс вылö. Спортлөн вокöд йитöдын челядьлы котыртасны унасикас ордысьöмъяс.

ЧЕЛЯДЬЛÖН КЕРКА ТУПКЫСЬÖ

Зимстанысь тупкöны челядь керка.

Дас ныв-зонмöс нуисны нин Католиков нима Сыктывкарса школа-интернатö, мукöдсö лэччöдасны сёрнджык. Зимстанса юралысь майшасьö, мый 22 специалист колясны уджтöг, корсьö петан туйяс, медым разны гөрöд. Уджöн могмöдан шöринкöд вöзйисны восьтны асьыныс удж, но та вылö оз мунны.

Асланым да общ. корреспондентъяс, районлөн сайт вылысь.

РАСПОРЯЖЕНИЕ

5 июня 2013 года

№ 21

с. Усть-Кулом, Республика Коми

О созыве XVII очередного заседания Совета муниципального района «Усть-Куломский» V созыва

1. Созвать XVII очередное заседание Совета муниципального района «Усть-Куломский» V созыва 17 июня 2013 года с 12.00 часов в актовом зале администрации муниципального района «Усть-Куломский».

2. Совместное заседание президиума и постоянных комиссий Совета МР «Усть-Куломский» V созыва провести 17 июня 2013 года с 10.00 часов в актовом зале администрации муниципального района «Усть-Куломский».

Председатель Совета муниципального района «Усть-Куломский»
А.Н.КОНДРАШКИН.



- Картопельыд шоньд муад босьтö бурджыка. Öти кадö муйысьям водз пуктысьяскöд, öти кадö жö и керам, - уджалiгмоз да арöс да куим тöлысьяс Альбина нывсö картопель чöвтны велöдiгмоз сёрнитiс Сергей Владимирович Шахов, кодi уджалö «Ростелеком» коми филиаллөн Куломдiнса юкöнын электромонтёрöн.

Му юкöн кöртымалöны сиктса администрациялысь. Кольöм воын пуктiсны 10 ведра, босьтiсны 80 сайб. Гөрöны тракторöн, муйöны лебедкаöн. Таво бура куйöдалiсны.

Кольöм воын колорадоса гаг эз номсась Сергей Владимировичлөн картопель корйöн. Тыдалö, эз удит водчны сылөн му юкöнö, сы вöсна мый водзиза визыны пуктысьяс ас кадö казйiсны, чукöртiсны да резйисны быдсыма сорасьсöн. А орчча муяс рассялисны, сы вöсна мый кодсюрö энöвтчис мöд нянь вöдитöмысь: колö вештысьны гөрöмысь, зэв дона куйöд.

А Шаховъяслөн семья дугöдчыны оз мөвпав. Ас картопель век ас.

Гижöд да снимок
Марина ДАДАШОВАЛÖН.

КОМИ РЕСПУБЛИКАЫН

РЕСПУБЛИКАЛЫ ВОАС 5 МИЛЛИОН ШАЙТ

2013 воын Коми республикалы профессиональнöя велöдöм сöвмöдöм вылö федерация бюджетясь воас 5 миллион шайт. Та йылысь индöд 2013 вося май 27 лунö кырымалiс Росийскöй Федерацияса правительствоөн веськöдлысь Дмитрий Медведев.

Кызди юöртiс республикаса юралысьöс вежысь Тамара Николаева, сьöм вичмис сiйö регионъяслы, кодъяс вермисны профессиональнöя велöдан юкөн вьльмöдöм кузя программаяслөн ставроссияса конкурсын.

«Конкурсö пырöдчысьяс дорö вöлины ыджыд корöмъяс. Медшöр тшöктöм - медым профессиональнöя велöдан юкөн вьльмöдöм кузя программа вöли пыртöма нин да уджалiс регионын, республика вичмöдiс сы вылö асьыс сьöм, мед вöли позянлун тайö программасö босьтны и мукöд регионъяслы. Таысь кындзи, видзöдiсны, сюрö-ö велöдчöм помалысьяслы удж, кызди котыртöма профессия туйдöм да уна мукöдтор. Коми республикалөн программа лöсьлiс став корöмъяслы», - висьталiс

республикаса велöдан министр Владимир Шарков.

Профессиональнöя велöдöм вылö федерация бюджетясь сьöм вичмöдöм артыштöма 2011-2013 вояс вылö. 2011 воын республикалы воис 26,1 миллион шайт. Сы вылö Ухтаса индустриальнöй техникумлөн подув вылын котыртiсны нефтехимическöй юкөннын уджалысьяссöс дасьтан шöрин. 2012 воын воис 10 миллион шайт. Сы вылö профессиональнöй тöдöмлунъяс сетанинъясын лöсьöдiсны 8 лаборатория-мастерскöй. 2013 во кезлö вичмис 5,3 миллион шайт, код вылö котыртасны рабочöй профессияслөн уджикасьяслысь 2 шöрин.

«Экономикалөн медшöр мытшöдъясысь öти - абусь рабочöй профессия бур специалистъяс. Тайö майшöгыс и федерация, и республика, и муниципалитет тшупöдъясын. Сьöма отсöг вичмöдöм, и, медводз, колана ногөн сiйöс видзöм, сетас позянлун бурмöдны рабочöй профессиясьö велöдöм, медым предприятиясын вöлины бур специалистъяс», - тöдчöдiс Тамара Николаева.

Коми республикаса юралысьлөн да правительстволөн пресс-служба.